

هندستانه کیتدکن صکره دهاجوق شیلره واقف اوله جغکنز طبیعیدر .
سزه تام معلومات ویره جک ذواته توصیه ویره جکم .

۲۹ ذالحجه سنه ۱۳۲۰ - ۲۶ تشرین ثانی سنه ۳۲۸

کربلا : مخبر مخصوصکن

س . م . توفیق

آفریقا :

درنده مجاهدین اسلامیه نیک موفقی . — دون درنده دن بق بق

طریقله و حلب واسطه سیله اداره خانه مزه آتیده کی تلفراف چکیلمشدر :

بق بق ، ۲۱ کانون اول ۳۲۸ . — وقتيله بنغازیده ایتالیانلری

خروج حرکته اجبار ایتک اوزره شهرک جوارنده بولنان عین زاره

صوینی سد ایدلمشدر . بوندن متضرر اولان ایتالیانلر نهایت شهرافرنجینک

برنجی کونی خروج ایتدیلر سهده ۲۸۰ قدر مقتول و مجروح و یک

جوق تفک قازمه کورک بر اقدقدن صوکره منزهماً فرار ایتدیلر .

بزدن بش شهید یکریمی اوچ مجروح واردر . هر مجاهدینک شوق وغیرتی

توصیف ایدیله مز درجه ده در . مخبرکنز المهدوی درنه

سبیل الرشاد . — اللهم انصر من نصر الدین .

استونفارت مخبر مخصوص صحره :

سلانیکده صلیبک مظالمی

سلانیکده مقیم آلمانلردن بری وطن اصلیمی اولان استونفارت

شهرنده بر دوستنه ارسال ایلدیکی بر مکتوبی مومی الیه بوراده منتشر

تاغیلات غزته سنه ویره رک انسانیت نامنه مندرجاتنک نشر اولنسنی

رجا ایدر . مکتوبه شو یولده باشلایور :

سلانیک شهر عظیمنک یونانیلر طرفندن مقاومت کورمکسنن تسلیم آلندیغنی

طبیعی غزته لرده اوقویه رق معلومکنز اولمشدر . مع مافیله بو کونکی یازده جم

حوادث ایله دها بوکا مماثل یومیله وقوع بولمقده اولان وحشت آوروپا غزته لرینه

هنوز اطرافلیجه نقل اولنمیدن معلوماتنک دخی اولمیدیغنی ظن قویسندهیم .

« قونیق قارل کیمناسیون » مکتبی صره لرنده اوطوردیغ ، دیگر برطاقم

مشهور یونانیلر الیه برابر هوراز و هو مرک مدنییت یونانیه یی نصل عالمه انتشار

ایتدکاریغنی تحصیل ایتدیکم ائشاده درونمده حاصل اولان برحس حرمت یرینه

بر کون کلوبده دکل یالکنز بو آدم لک حقیقلرینه ، حتی روم نامی ایله بنام هر

سنه دن صوکره درجه نفرت ایدیه جکی هیج بروقت خاطریه کتورماش ایدم .

ایشته بونفرتنک بنده نصل پیدا اولدیغنی شورا جقدده سکاتخصصرجه بیان ایدیم :

شو یکن صوکره کونلرده شهر مرده اجرا اولنان قصابلی درخاطر ایتدیکجه

بالذات کوردیکم شو وحشتی یازمق ایچون قلم و شو وحشتی کوروبده

وظیفه انسانیت اولان معاونتی تأثیر خوف ایله اجرا ایدمه ماکدن متولد درونمده

حاصل اولان برحمت شدیده بی تسکین ایچون اوالمیدر که قلم بی آکلامغه

اجبار ایدیور . بو وحشتی اجرا ایدنلر علی الاکثر روملردر . خصوصیه

غالب یونان عسکری - تعبیر حقیقی ایله - « وحشی حیوانلر » اجرا ایدیورلر .

یالکنز ترکار و موسویلر دکل ، حتی بز آوروپا لیلر الیه بو نظامسنر وانتظامسنر

چته دیمکه سزا عسکرلرک وحشتدن امین دکاز . قرق کلیسا مظفریتی اوزرینه

هر کسک قلبنده حاصل اولان رغبت یرینه شمدی ا کراه و نفرت یرلشدی .

چونکه بلغارلرکده تربیه وانتظامدن چیدقلری هر کون مشاهده اولنمده در .

حال حاضرده قدر مدنی ظننده بولندیغمن بو بالقان خرستیانلرینک بو درجه

وحشیلردن دها وحشی اولدقلرینی کوردیکجه انسان بونلره خرستیان ملت

عنصری صوکره درجه کوسدی ، یواش یواش حکومت محلیه علیبنده یازیلر یازمغه ،
مطبوعاتلری صحیفه لرنده یازی یاغدیرمغه و بوندن ده بر فائده ترتب ایتدیکنی
کورنجه کیزی قومیه و جمعیتلر تشکیلنه ودها صوکره ، منورالفکر ، تحصیل
وتربیه کورمش ، مقتدر و فعال و قدرت قلمیه مازک اولان کنجلیغنی
فرانسه یه ، اسویجریه یه ، اوروپانک اک حر و سرپرست ممالکنه کوندروب
اورالرده انکلتزه حکومت حاضره سنک هندلیلرله هندستان حقنده تطبیق
وتعقیب ایلکده اولدقلری وحشت ومظالمه دائر نشریاتده بولندیردیلر .

بوجریان بویودیکجه بویودی . اک صوکره دهشتنمون برحاله کادی .

هندستانده کی هندو کنجلی دینامیت و بومبا واسطه سیله انکلیزلری اتلافه

قویولدیلر . حکومت بو بومبا جیلرک حقندن کلهمدی . چونکه هر نرهده بریسی

یاقه لادیسه ، ایرتسی کونی اون دانه سی دها چیقدی . بنغاله لیلر ، هندولر

کوپه کوندوز انکلیز پوسته سنی ، پوسته خانه سنی صویدیلر . قلب آقچه اعمالنه

تشبث ایتدیلر . انکلیزلرک هندستان ایچون اعمال وتخصیص ایتدکاری (بانک

نوطلری) تقلید ایتدیلر . حاصلی انکلیزلرک باشنه چیقارمقدق بلا ، اذرا براقدیلر .

هله لوندره مجلس اعیان اعضا سندن (سیر کورزن ویلی) نامنده برانکلیز

اصیلزاده سنی اولدیرن برهندو ، افاده سی مستنطق طرفندن ضبط ایتدیلرکن

« اوت ، بو آدمک قصوری انکلیز اولمقدن عبارت ایدی . بن ،

اولما قله برابر ، ممالکنه یی بغیر حق ضبط واستیلا ایدن انکلیز عنصرندن

بولنسدینی جهنمه کندیسینی اولدیردم . ذاتاً برانکلیز اولدیرمکی عهد وميثاق

ایتمشیدم . بناء علیه مقصده نائل اولدم ، شیمدی هر نه ایسترسه کزایپیکز . چونکه

مستخرج الحاطر وفارغ البال اولدق بوجهان فانی یی ترک ایدیورم . « دیمشیدی . »

انکلیزلر هر نه یاپدیلر سه بونک آغزندن برشی قاپه مدیلر ، شریک

جرمی اکلیه مدیلر . بو صورتله هندستانده ده هر کون برر ایکیشر انکلیز

اولدیرمکه باشلادیلر . حاصلی هندستانک اولجه مقر حکومتی تشکیل ایدن

(کالکوته) شهرینی انکلیزلره زندان ایلدیلر . انکلیزلرک بنغاله و کالکوته

ایالتده کی قوت ونفوذلری فوق العاده برضعه دوچار اولدی . ارتق اوراده

اجرای حکومت ایدمه یه جک برحاله دوشدیلر . ایشته انکلتزه قرالی هندستانه

(هند امپراطوری) تاجنی کیمک ایچون کادکاری ائشاده ، هم هندولره

برضریه اوروب حکومتی دوشدیک کی کرداب ضعدن تخلیص ایتک ، همده ضمناً

مسلمانلره بر مجامله ده بولنش اوق ایچون هندستانک اک قدیم ممالکنندن

اولوب یوزلرجه سنه هندستانک تاریخی پای تختی اولان (دهلی) شهرینی

هندستان ایچون مرکز حکومت اتخاذ ایتدیکنی اعلان ایلدی .

بناءً علیه انکلیزلر کندی منفعت اداریه لرینی حال حاضرده ده هندستانده کی

اسلام هندلیلرله خوش کچنمکده کوردکاری جهته مسلمانلره فضله امتیاز و یرمکده

و حرمت ایتدیکده درلر . اسلاملری پت پرستلرله اتفاق واتحاد ایتامکه تشویق

وترغیب ایدیورلر . حتی اسلاملرک عقلنه شونی صوقشدردرکه ، کونک برنده

پت پرستلر انکلیزلری هنددن قوغوب اعلان استقلال ایتمکه موفق اولدقلری

آنده هندولر بوتون هند مسلمانلرینی کسه جکارمش ! هر نه حال ایسه شمدی لک

مسلمانلرک حال وموقعلری انکلیزلر عنندنه متین ومحفوظدر .

بوندن بشقه دولت علیه نک سیاستی هندستانده لایقيله یوروتیه یه جک

مقتدر ، لسان آشناسه بندرلرک ، هندستانک متعدد شهرلرنده بولنماسی لازم ایکن

مع التأسف بومبا ییدن بشقه بریرده بوکون دولتیله نک موظف بر شهیندیری یوقدر .

بوشهیندرلره بول تخصیصات و یرمک ایجاب ایدرکه کندی دولتنک

حیثیت وشرفی هم انکلیزلرک ، همده هندلیلرک نظرنده وقایه ومحافظه

ایده بیلسون . انکلتزه دولتنک بغداد قونسوسخانه سنه تخصیص ایتدیک معاش

وتخصیصانک اوچده برینی دولتیله بومبا ییده کی شهیندیرینه یرمیور . انکلتزه نک

عراقده ، عراقه تابع لوارلرده بیله بررقونسوسنی وارکن ، الیوم عثمانیلرک

هندستانک اکبرنجی شهرلرنده بیله مأمور سیاسیلری یوقدر .

حاصل دولت علیه نک اداره سیاسیه سنده بویوک بویوک خطا ویا کلشدر

وارکه ، بونلر اصلاح ایدلمکجه دولتیله دول سیاسیه صره سنه داخل اوله مز .